


大經鈔

第一

0931	貴重書	年
61		月
1		日
佛教大學藏書		
第 270621 号		





無量壽經鈔卷第一

佛教大學新藏

盡轉法輪相

岡田眞之藏書



望西樓沙門了慧述

南無釋迦牟尼佛

南無阿彌陀佛

將釋此經略開三門一明大意二釋題名三解經文第一中四一教起所因二所說大猷三宗體定判四藏教所攝

初教起所因者如般舟讚云或漸或頓明空有根性利者皆蒙益鈍根無智難開悟万劫

Handwritten signature in cursive script, likely reading '了慧' (Liao Hui).

修功實難續一時煩惱百千間若待娑婆證
法忍六道恒沙劫未期驗此貪瞋火燒苦不
如走入弥陀國上已是故釋迦悲憐重障而說
此經以勸往生遙潤遐代矣

二所說大猷者所說雖多不出七門即如疏

云四十八願願願皆發增上勝因依因起於

勝行依行感於勝果依果感成勝報依報感

成極樂卷經上依樂顯通悲化依於悲化顯開

智慧之門宗經正又云如大經說一切善惡凡

夫得生者莫不皆乘阿弥陀佛大願業力為
增上緣上已問依智慧門可顯悲化今何逆次
答若約自證實無前後若約化他以攝凡聖
即知佛有五智勝德依此義故智在後也

三宗體定判者一切諸經各有宗體此經宗
體諸師異解元曉師云淨土因果為其宗體
玄一師云淨土因果為宗如鸞師者名号為
體今準宗家念佛為宗往生為體一經所尊
在念佛故謂雖諸行各得往生弥陀本願唯

教

取念佛聖眾來迎雖通萬機三輩廢立別立稱名釋尊付屬百歲特留亦是名号是故為宗宗等所趣唯在往生故為經體
四藏藏所攝者藏謂二藏一聲聞藏亦名小乘亦曰半教二菩薩藏亦名大乘亦曰滿教教謂二教一者漸教二者頓教藏教之義具如玄義及傳通記云此經何攝宗家判曰觀經弥陀經等說即是頓教菩薩藏上所言等者等取此經又黑谷云天台真言皆雖名頓

教斷惑證理故猶是漸教也雖未斷惑出過三界之長迷故此教名為頓中頓也上問據得益相判經大小如台宗云但觀諸經會末得道即識所說部別之異上然此經中亦有小益何故但攝菩薩藏耶答此經所說專在弥陀因果攝生所說大故亦有大益何巨小乘但小益者如淨影云聞說娑婆穢惡可厭深心厭離故得小果同憬興聞所厭法還發宿習且證小果例如無量義經時聞所開權法

即得小益雖有小益彼既一乘此亦可然問
餘衆亦聞所厭之法何不證小答大小二機
俱皆雖聞穢惡可厭小機厭惡而證小果然
而亦非不解大乘例如台宗解圓行漸大機
哀惡發度生心是則機性各別故也上來第
一釋大意竟

第二釋題名者此亦爲二先釋經題次辯譯
人初釋題者諸經題目所立不同謂於人法
喻事時處有單複故今此經題就人立名所

謂佛者能說之人此土教主無二佛故舉於
通号而顯釋迦無量壽者所說之人其人非
一故舉別号以簡他佛然經文中廣說所行
所成所攝無量壽是能行能成能攝等人舉
能合所故名無量壽也佛說無量壽經之義
如疏及記云卷者書貌上者卷始次辯譯人
者此經摠有十二代譯且依開元釋教錄者
第一後漢桓靈帝代從桓帝建和二年戊子
至靈帝建寧三年庚戌
年二十餘安息國沙門安清字世高譯名無量

壽經二卷見別錄

內典錄貞元錄

第二同桓

靈代

從桓帝建和元年至靈帝中平三年間

月支國沙門支婁

迦識於洛陽譯名無量清淨平等覺經亦直

名無量清淨經見吳錄也

內典貞元判定同之但判定云初出

第三吳代月支國優婆塞支謙字恭明一名

越大譯名阿彌陀經二卷內題云佛說諸佛

阿彌陀三耶三佛薩樓佛檀過度人道經亦

名無量壽經見竺道祖錄僧祐錄也

內典貞元同之

第四曹魏代印度沙門康

僧鎧以嘉平四年壬申

內典判定同云魏於

洛陽白馬寺譯名無量壽經二卷見竺道祖

晉世雜錄寶唱錄也

內典貞元判定同之 第五同代

西域沙門白延以甘露

三年戊寅

古今譯經圖記云丁丑

於洛陽白馬寺譯名

無量清淨平等覺經二卷見竺道祖晉世雜

錄僧祐錄也

內典貞元判定同之但內第六

西晉代亦云沙門竺曇摩羅蜜晉言法護以

永嘉二年正月二十一日

內典云懷帝譯名

無量壽經二卷見竺道祖僧祐錄也

衆經目錄內典

貞元判定同之但

第七東晉代西域沙門竺

法力以恭帝元熙元年己未二月譯名無量

壽至真等正覺經二卷一名樂佛土樂經一

名極樂佛土經見釋正度錄也

內典貞元圖記判定同之

但內典云

第八同代迦維衛羅國

內典云北天竺

門佛陀跋陀羅晉言覺賢

甘露飯主苗裏

以宋永初

二年於道場寺譯名新無量壽經二卷見僧

祐寶唱錄也

內典圖記貞元判定同之

第九宋代

內典云文帝世

涼州沙門寶雲以永初二年於道場寺出一

錄云六合山寺譯名新無量壽經二卷見道

慧僧祐錄也

內典貞元判定同之

第十同代

劉賓國沙門曇摩羅蜜多宋言法秀元嘉年

中

判定云於祇洹寺譯

名新無量壽經二卷見真寂

寺錄也

貞元判定同之

第十一大唐代南印度菩提

流志本名達磨流支唐言法希天石改焉菩

提流志唐云覺愛譯寶積經

神龍二年創首光天二年切畢

此經一部一百二十卷單重新舊合譯四十

九會於中折取二十六會三十九卷為流志
新譯餘二十三會八十一卷並是舊譯同編
入之新譯之中第五無量壽如來會二卷即
是此經同本異譯貞元上來並依開元錄也
第十二大宋代西天沙門法賢譯名大乘無
量壽莊嚴經三卷見樂邦文類此中迎識支
謙僧鎧流志法賢五本見在餘七闕本今所
釋者僧鎧本也問憬興云魏時帛延題無量
清淨平等覺經之号上然彼疏中引帛延本

知非闕本答興釋未了開元等錄皆以延本
為闕本故問天台觀經疏云大本二卷晉永
嘉年中竺法護譯上然彼十疑所引經文大
同此本加之憬興大經疏云今西晉法護名
無量壽經乃欲釋法護經本上何云鎧本答
天台所指年号既異知非此本故樂邦文類
一云佛說無量壽經一部二卷曹魏三藏康
僧鎧譯此經更有晉永嘉年中竺法護所譯
之本藏經中今缺天台觀經疏所指大本即

法護所譯也。上已但十疑所引非是全同何必
此本或觀經疏指法護經十疑論中引僧鑑
譯故十疑云如無量壽經註曰曹魏朝天竺
三藏康僧鎧譯。上已或彼兩譯文言同歟例如
真諦摩多兩譯之起信論文言全同但註誤
也。然顯要記會天台云即今文言法護譯之
者蓋是隋朝目錄誤故云法護譯法護不譯
此經。淨業記同之此義未了違諸錄故天台可詳
經錄誤故次憬興釋恐亦未了所釋經本全

同鎧譯然云護譯亦違諸錄謂開元等皆以
護譯為闕本故曹魏者即前魏也大康內典
錄二云前魏朝曹氏資持記云曹即帝姓魏
是國号為有後魏相監故加姓簡之。上已後漢
之後有魏蜀吳三國相並魏為正統是名前
魏又兩晉後。東晉西晉有後魏故棟之云曹僧鎧
等者古今譯經圖記云沙門僧鎧者印度人
也廣學群經義暢幽旨以嘉平四年壬申於
洛陽白馬寺譯郁伽長者所問經一卷無量

壽經二卷

開元錄

譯者大論云譯者釋也西

智山

資鈔

山

云譯易也謂變易梵語以成華言周

禮掌四方之語各有官北方曰譯但漢世多

以北狄交通譯人兼善西語是時佛法西來

遂使譯人翻之因是佛經咸稱譯也上已上來

第二摠釋名竟

第三解經文者此經始終大分為三一從我

聞如是下至願樂欲聞已來明其序分二從

佛告阿難乃往過去下至略說之耳已來明

正宗分三從佛語彌勒其有得聞下至摩不

歡喜已來明流通分

淨影嘉祥義寂同今懺

正宗法位文一阿難諦

聽下為正宗流通皆同問懺興舉二師義破

中初當法位次當淨影破次師云阿難申請

若發起佛答阿難應非正宗若答正宗問必

非序故檢諸經論答名正說必兼其問此

破何救答問則起宗必是由序答陳旨趣定

在正宗京師天台觀經分科即其例也何滯

問答一雙義邊而忌能起所起別耶

法華經亦如三舍城勝於銷錄口城舍故者固也勝諸山欲顯此法

取勝義故

大文第一明序分中大分為二一證信序我聞如是一句是也二發起序一時已下諸文是也然如天台嘉祥等者依法華論以六成就為證信序宗密云一信二聞三時四主五須具六故如淨影者一時已下義有兩兼若取本事發起之事則為發起阿難引來證成可信名為證信今準宗家事讚與佛一時已下可是發起况乎淨影雖云兩兼正釋文中存一邊義故彼疏云一時已下義雖兩兼對

前一向證信序故自下偏就發起以釋上初證信序者我聞兩字名之為證即指阿難是信聞成就如是兩字以之為信即指佛經是信成就阿難成證令人信經此之證信成傳經由故名為序淨影全家由致名序不同天台放光六瑞別名由序問餘經多云如是我聞今何不尔答孟蘭盆經及般舟經云聞如是又溫室經全如今經此乃譯者隨宜安立無別意趣故義寂云翻者譯殊於義無殊上但

我言有無者如宗蜜云又無我者意影聖人
皆證無我餘經有者即阿難自指五蘊假者
不同情計之我亦無過也上已淨影牒云如是
我聞蓋是經本不同而已

二發起序中亦分為五初一時者明其說時
時成就也次言佛者明其教主主成就也三
住王下明其說處處成就也四與大下明其
徒眾眾成就也五余時世尊諸根悅豫下正
明發起如來說法必託時處說不孤設定有

機緣淨機既熟佛現悅豫悅豫超常何不惟
問故名發起初說時者問三經說時前後如
何答異義不同摩公意小經疏云準道理者大

前觀後先說今知後修生業故以事推者觀

前大後異譯經云阿闍世王太子聞說二十

四願故雖有兩義未判勝劣龍興朋後更加證據會違

文云如和休經阿闍世王太子名曰和休至乃

此經文意父子別舉前所難大王慎莫害母
者有其二義雖未登位而欲殺父幽閉深獄

自在執政故稱大王復欲禁害母惡意故稱
大王令發欣心上已玄一册前破龍興云此解
不介說兩卷經方有四十八願然觀經云亦
為說四十八願故知先說兩卷然言王者頗
波沙羅移於寒林政付太子太子執政故言
為王如大乘基法師法華記又閉父王勢力
自在雖是太子亦名為王上已迦才亦云大前
觀後今依黑各亦大為前載多文理定判前
後具如彼記今引一證即大經云阿難白佛

法藏菩薩為已成佛而取滅度為未成佛為
今現在上已文證雖多此文最要大若後者說
觀經時阿難既聞阿弥陀佛去此不遠等之
說竟何故今致成不平等問當知大前加之宗
家抑止攝取亦其證也具如宗要小經第三
諸師亦同二教主者即指釋迦梵云佛陀此
名為覺具如疏釋云又宗蜜云五深一自覺我空
揀異凡夫二覺他法空揀異二乘三覺滿俱
空合本覺名究竟覺乃揀異菩薩上已三說處

中王舍城者王舍因緣如疏及記云問王舍
城者為上茅城為寒林城蒼上古異義如傳
通記云私云若依宋家應是上茅免燒猶在
本城故也者闍崛山者如法影云此翻名為
靈鷲山也多有仙靈居住此山并有鷲鳥遊
集此山名靈鷲山亦翻名為鷲頭山也以諸
鷲鳥居此山頂名鷲頭山又此山頂像似鷲
頭名鷲頭山上已西域記云姑栗陀羅矩吒山
唐言鷲峯亦謂鷲臺按此山之陽孤標特起
舊曰者闍崛山說也

既棲鷲鳥又類高臺空翠相桐映濃淡分色如
來御世垂五十年多居此山廣說妙法頻毗
婆羅王為聞法故興發人徒自山麓至峯岑
跨谷凌巖編石為階廣十餘步長五六里中
踏有二小率堵波一謂下乘即王至此徒行
以進一謂退凡即簡凡人不合同往上已四徒
眾中亦分為二初明聲聞眾次與大乘下明
菩薩眾初文亦四先摠標次一切下摠嘆三
其名下別列四皆如下別結初文中万二千

者問覺經云千二百五十人莊嚴經云三萬
二千相違如何答覺經別覺本外道類今經
惣列一切聖者莊嚴亦尔此是譯者意樂不
同次文中大聖神通等者悉證無學故云大
聖同得六通故稱已達問此中阿難未證無
學亦無六通答約多分故有妙德故淨影
云阿難雖在學地未名神通已達從多以嘆
又云雖居學地而成無量勝妙功德故曰大
聖於神通中解了畢竟亦名已達又義寂云

得小果已趣大菩提故名大聖上此釋無過
流通文云諸大聲聞聞佛所說靡不歡喜上
既聞此經一乘歡喜豈非趣大為顯此德名
大聖耳問次下文云大乘菩薩既有能別知
聲聞眾非大乘機答從本不名大問此經法
華已前之說何有聲聞趣大義耶如法華云
所以未曾說說時未至故又輔行云遍尋法
華已前諸教實無二乘作佛之文上答機熟
一圓法捨方便顯露記小實在法華然而又

為一機一緣明小入實亦前非無故楞伽經云諸聲聞等依無餘涅槃而與授記方等陀羅尼經云五百聲聞各當作佛同名寶月如來上故妙樂判云今之法華是顯露記不同方等隱密與記若據斯理淨名小品皆應有之何獨楞伽上釋迦一代化儀雖然弥陀本願從昔已來攝小入大非適今也次別列中其名曰者流至下之三十一人尊者了本際者淨影云有德可尊故曰尊者了本際者是

憍陳如憍陳如姓阿若是字阿之言無若之言知證無成知故曰無知無是一切諸法本性名為本際於此本際知見明了了了本際餘者經中或有曾聞有不曾聞上覺經譯名知本際名異義同大哀經中名為拘輪毗耶娑問經云阿若居隣法華涅槃最勝王等名為阿若憍陳如是梵語輕重嘉祥云迦葉佛遺法住世同伴九人方覺無常共求出家入山學道四人根利則悟五人根鈍不悟便共

擔願吾於釋迦法中要先悟道以此擔故共
佛俱生佛既出家父王遣國中貴族同伴五
人隨侍太子入山不肯入山隱在鹿苑佛初
成道則為說法由是最初得道也五人者一
名陳如二阿葉鞞三訶男四婆提五婆敷此
但出陳如一人上已佛於鹿苑為五比丘初轉
法輪陳如得初果餘四猶在順決擇分義寂
云問餘四人中誰先得道答曇無德說阿濕
卑摩訶男二人次得婆提婆敷後乃得也上已

正願者嘉祥云本期出家得道故義寂云應
是跋提同之正語者祥云口無四過故寂云
應是婆頗興云摩男上已大号者祥云美名遐
布故寂云應是摩訶網興云離婆多也其人
持不妄語因證鬼神諍以屍代身遂居王位
德名令聞諸方故上已仁賢者祥云德性軟和
故寂云應是頰鞞興云謙云須滿曰內懷賢
善外申慈仁故上已離垢者祥云離破戒垢故
興云淨除是也說本起云輪提陀掃淨寺舍

願令心無塵垢如寺故上名聞者祥云迦延
解義名聞大故興云今依彼經本起夜那尊
者梵行淨潔衆所見敬故上善實者祥云從
內德彰名故興云即說本起長者凡者名為
取善供養維衛佛塔已來九十一劫常生人
天遂得阿羅漢故上具足者祥云從受戒表
名興云樹提名因牛王者法位云憍梵波提
興師如事讚記云優樓等者此三迦葉如傳
同之通記云摩訶迦葉等者已上四聖如事讚記

云大住者興云梵云摩訶迦多衍那此云大
剪剃種男即波羅門姓上古多仙山中靜處
年既掩又鬚髮稍長無人為剃婆羅門法行
剃髮故一仙有子兄弟二人俱來覲父小者
乃為諸仙剃之諸仙願護復成仙貴余來此
種皆稱剪剃者身是男子威德特尊簡餘
此種故云大剪剃種男古迦旃延此云繩扇
訛也今云大住者亦襲昔之名母戀此子不
肯改嫁如繩緊扇可謂住故上大淨志者祥

云從內定得名興云即說本起中賴吒和羅
更無所樂志於清白法樂閑居第一故名大
淨志比周那者位云周那者又云周陀此云
不樂又云路生具足應言周利般特迦興同後各
如事讚記云滿願子者位云本音云富樓那
彌陀羅尼子比如傳通記云離障者祥云那
律修天眼徹見障外故從為名興云梵阿泥
律陀此云滅今言離障意亦此謂也言阿窻
樓陀訛也比如事讚記云流灌者興云梵云

孫達羅難陀此云艷喜喜即自名艷是妻号
欲簡牧牛難陀故因妻以表其名佛親弟大
聖王之所生也惟衛佛世施煖浴室故端正
大勢見之無厭今言流灌者亦襲彼之名也
比亦如事讚記云堅伏者興云即應說本起
中樹提故彼經云堅精進定意無為無動故
帛延亦云賢者了深定故比面王者興云梵
云薄矩羅此云善容善容雖多以面為先義
故名面王比如事讚記云異乘者興云帛延

云賢者氏戒聚戒行類萃故云異乘上仁性者興云即應本起中尸利羅故彼經云施與錢財救諸貧窮濟衆下劣故上嘉樂者興云即本起中難陀名爲欣樂支謙亦云難持正音即難陀此云喜本乃是救牛之人因問佛牧牛十一事知佛具一切智獲阿羅漢甚極聰明音聲純妙故今嘉樂者亦非正翻之也上善來者興云即支謙云賢者蔡揚本起亦云貨錫淨傳云梵音莎揭哆譯爲善來來者

歸也來歸佛法有莫大利故云善來善來雖通千二百五十人名即摠以立別号故善見

律七云善來比丘其數有幾答曰到有一千三百四十一人到阿若憍陳如等五人到復有摩訶劫賓那與一萬人復與羅云阿難等

者如事讚記云法華文句一云正法念經明三阿難阿難陀此云歡喜持小乘藏阿難跋陀此云歡喜賢受持雜藏阿難婆伽此云歡喜海受持佛藏阿含經有典藏阿難持菩薩藏蓋指一人具於四德上準此文者今經阿

難當第三四此經即佛菩薩藏故三別結中
上首等者指上所列三十一聖問上摠說中
舉萬二千嘆其高德今應結彼而名上首答
上摠標數大次別列三五為顯所列即上首
義有此結文若萬二千為上首者以誰為下
雖均大聖非無上下之殊而已二菩薩眾中
大分為三初列名次具諸下嘆德三如是下
摠結初文亦三先標次普賢下列三皆遵下
結初文可知次列名文即有異說如淨影者

分為二類一普賢等賢劫成佛菩薩二賢護
等餘劫成佛菩薩法位懽三千佛名經云過
去莊嚴劫千佛出世現在賢劫千佛出世未
來星宿劫有千佛出世藥王藥上今對賢劫
星宿為餘如義寂者分為四類故彼記云一
普賢妙德為一類二慈氏等賢劫菩薩為一
類三賢護等十六正士為一類四善思議等
十四菩薩為一類并有一千三十三也上推
此師意普賢文殊或俱遍一切處或復可說

殊與不可說賢普一雙義故為一類歟又慈氏
等依悲華經於賢劫中有千五佛而興出世
謂寶海有一千弟子五人侍者其最長者在
於東方袈裟幢國而已成佛餘千四人及寶
海中釋迦已上四佛已出彌勒已下一千一
人未成佛故今以慈氏而為賢劫一類初歟
又大論中標善守等十六菩薩而列六人在
家菩薩其名全異今經善思等名故以今十
四為別類歟然憬興意唯分二類雖同淨影

分十六四同義寂意云今詳二師各有通塞
謂淨影意初違悲華後順寶積違悲華者彼
經中說無諍念王有千太子皆學王願悉擔
淨土中成佛也取意其中普賢第八王子文殊
第三豈穢土中賢劫佛耶又說寶海有千五
人眷屬弟子皆學寶海穢土之願悉擔穢土
賢劫成佛取意此中慈氏第四弟子唯此一人
賢劫成佛何三菩薩同云現在賢劫佛耶順
寶積者彼經說云又與賢護等十六丈夫眾

俱所謂善思議菩薩慧辯才菩薩觀無住菩
薩善華神通菩薩光幢菩薩智上菩薩寂根
菩薩慧願菩薩香象菩薩寶幢菩薩已既云
所謂善思議等明知非是別類菩薩加之念
佛三昧七日道場懺悔方法慈云一心奉請
南無賢護菩薩善思議菩薩信慧菩薩空無
菩薩神通華菩薩等十六正士及十方諸大
菩薩摩訶薩已此釋符合寶積經耳次義寂
意初順悲華後違寶積違順二義翻上應知

然憬興云有說賢護等十六正士者舉初括
後以揔標善思議等者遂其所等以別列私
淨此恐不然若善思議等即十六正士者
應言十五正士不介標列有相違故設許此
者亦違法華論云跋陀波羅等十六菩薩故
善思議等與無盡意經中十六菩薩名異必
不可言善思議等即十六正士乃今即餘劫
菩薩自有二類故賢護等十六正士即其一
類也至善思議等十四菩薩即其二類也已

問二師所立豈無取捨。答雖難取捨且由寂
公但彼寶積其誤非一。所謂四十九會之中
編入般若部。身殊師利會。及以阿含部。廣博
仙人會。是故玄奘破之。屬謬。然則彼文亦不
正歟。問若尔以何名十六。耶答義寂云。智度
論云。善守等十六菩薩。是居家菩薩。毘陀婆
羅居士菩薩。是王舍城舊人寶積王子菩薩。
是毗耶離國人皇德長者子菩薩。是占波國
人導師居士菩薩。是舍衛國人那羅達婆羅

門菩薩。是浮搦羅國人。水天優婆塞菩薩。且
舉此六餘存略也。上又法華科文心慧云。如思
益經第一列十六名云。跋陀波羅菩薩。寶積
菩薩。皇明菩薩。帝天菩薩。水天菩薩。善力菩
薩。大意菩薩。殊勝意菩薩。增意菩薩。善根意
菩薩。不虛見菩薩。不休息菩薩。不少意菩薩。
導師菩薩。日藏菩薩。持地菩薩。大論第十八
云。十六菩薩。是居家菩薩。皆是補處。紹尊位
者。菩薩名字經論小異。上普賢者義寂云。亦

名通吉菩薩其德普遍無不賢吉故憬興云
普者普遍即證真之智賢者即涉事之行內
德普遍外化賢善故名普賢又台宗云居眾
伏頂行遍等覺故云普住斷道終位隣大覺
故名賢上妙德慈氏等者如事讚記云賢劫
者悲華經云此佛世界當名娑婆至時有大
劫名曰善賢何因緣故劫名善賢是大劫中
至有千世尊成就大悲出現於世釋迦譜云
今此劫者名之曰賢以劫初時大水彌滿生

青蓮華其數一千第四禪天曾見往事便相
告白言此世界有千佛現可因此時以為賢
劫上三結文中皆遵等者華嚴經第四十云
普賢菩薩摩訶薩稱嘆如來勝功德已告諸
菩薩言善男子如來功德假使十方一切諸
佛經不可說不可說佛刹極微塵數劫相續
演說不可窮盡若欲成就此功德門應修十
種廣大行願何等為十一者禮敬諸佛二者
稱讚如來三者廣修供養四者懺除業障五

者隨喜功德六者請轉法輪七者請佛住世
八者常隨佛學九者恒順衆生十者普皆迴
向此爲諸菩薩而發此願故皆遵之問看經
文勢皆遵等句具德之由可屬嘆德何爲結
文答此有異解義寂憊興俱屬嘆德淨影法
位同攝列名於聲聞衆既有結文於菩薩衆
何無結文然例餘文即有二意謂一準上結
聲聞云皆如斯等今亦容有以諸菩薩悉爲
上首之意無量衆中別列之故二準觀經別

顯文殊高德位云而爲上首今文亦有別以
普賢而爲上首之意謂以普賢爲其所遵以
諸菩薩而爲能遵故也如法位云皆遵普賢
者推其高德爲上首此又華嚴經云一切如
來有長子彼名号曰普賢尊此既是長子足
爲上首二嘆德中爲二初嘆權實二德化他
爲權自行名實次其所修行下嘆二利德初
文亦三先就自分略嘆權實次入佛法下就
勝進廣嘆權實三具足下結嘆權實問自分

勝進其義如何答菩薩當位內證外用名爲
自分於菩薩位分具佛果內證外用是名勝
進故淨影云依菩薩法修自分行至乃依佛法
修勝進行上已問勝進若約於因位者何故經
云究竟彼岸究竟之言應佛果故答分之究
竟而非極果菩薩德故初略嘆中亦分爲二
先明實德次遊步下明其權德自行未立何
能利他是故先實後權而已初文中行願者
如淨影云行謂六度四攝等行願謂無量菩

提心願法位云行是六行願是十願如弘擔
海慧經說知一切法得般若船值智慧風得
善方便度一切人越大苦海得戒具足登涅
槃山會無爲舍得法性身略抄千手經中十願全同功德
者如淨影云功謂功能諸行皆有利益之功
故名爲功此功是其善行家德故名功德興
同次文中遊步等者憬興云身化無身無感
不應故上已權方便者如淨影云隨物所宜種
種異現名權方便上已化物已竟一切隨謝故

云權也。二廣嘆中亦分爲二。初明實功德。次於無下明權功德。初文入佛等者。淨影云。入佛法藏明。因上昇。如來藏中過恒沙法名。佛法藏證會名。入究竟彼岸。彰果畢竟涅槃。彼岸到名究竟。憬興破云。此恐不然。如來藏即佛性義。而言證會恒沙德法名。因上昇者。即違經云。見佛性時得無上覺。故若證佛性非菩提果。至涅槃岸。應非圓寂果。故此破意有二。謂證佛性名爲因者。即違經中云。得果故。

一難也。若證佛性可名因者。到涅槃岸亦可名因。佛性涅槃同是理。故俱證理性。何一名因。一名果耶。二難也。此難實介。但試救之。雖同證理。初入名。因終極名。果例如見道。雖證諦理。猶不名果。但契經中對未見時。初入名。果此有何過。但未決定。學者思擇。憬興述自義云。入者達解。究竟證解。知如實自利及事利他。故云。入佛法藏。即法華中善入佛慧。通達大智也。彼岸者。真理證。此實性。故云究竟。即彼

經中到於彼岸也。上。次文中二先摠明次處
堯下別說初文中於無量等者淨影云此嘆
勝進故舉成佛為權德耳憬興云初地菩薩
神通境界當百佛世界况亦法雲菩薩化物
世界可得稱數。至。一一菩薩各於無量世界
現化故。上。此師意許普賢等覺賢護等則法
雲地故現成等者現謂示現分證成道非是
實成故云現也。次別說中大分為九初明上
天相次捨彼下明入胎相三從右下明出胎

相四示現下明童子相五遊於下明妙妻相
六見老下明出家相七現五下明成道相八
釋梵下明轉法輪相九示現下明入涅槃相
如淨影者雖加住胎而為十相今經無文義
寂雖開往詣道場亦為十相猶是成道之所
攝也是故今依興師分文為九相耳問今此
九相可攝八相答八相九相開合互異謂今
童妙攝彼出胎彼降魔相攝今成道經文參
雜故不別立起信論中加住胎相而除降魔

以爲八相初上天相中亦分爲二初句生天
次句說法初文中兜率者新云觀史多天此
翻知足亦云妙足或云喜足三世補處皆生
此天問何故生彼答如大論云有人云因緣
業熟應生是中復次下地結使厚濁上地結
使利堯率天上結使不厚不利智慧安穩故
復次欲遇佛出世時故若於下地生命短壽
終時但未出世若於上地生命長壽未盡復
過佛出世兜率天壽與佛出世時相會故復

次佛常居中道故兜率天於六欲及梵之中
上三下三於彼天下必生中國好中法故中
天上生上比淨影義寂依涅槃云上天閻鈍下
天放逸彼無此過同第二義問第三之義其
理不明所以者何如來出世隨機熟不長短
不定故第十減唯一佛出第十五減九百九
十四佛出世釋迦彌勒住天亦有長短不同
若余何故彼天定壽必可相稱佛出時耶何
况觀率四千歲當叫喚地獄一日一夜然勤

彌勒住天之間經一增全一減少分若盡彼
壽而下生者有以叫喚地獄一日而為阿鼻
一中劫量之過如何答龍樹所解豈無所以
云但所難者上古先德求決異域今時愚侶
何輒其義但賢哲義非無會釋謂明眼鈔第
三云補處菩薩於彼天中數死數生故慈氏
菩薩第九減劫百歲之時上生住一增劫第
十減初下生中間非即同彼第四地獄一晝
夜所以一增減劫極長也至乃真諦師云於彼

天中經多生死盡彼天壽雖不中天除經多
生摠是觀史多天生摠登一生也問婆沙一
百三十五云至乃經於五十七俱脛六十百千
歲慈氏如來應正等覺出現世時施作佛事
又一百七十八云有說唯觀史多天壽量與
菩薩成佛及瞻部州人見佛業熟時分相稱
謂人間經五十七俱脛六十百千歲云準此
等文慈氏菩薩經五十七俱脛六十百千歲
下生即觀史多天四千歲也至乃答五十七俱

脰六十百千歲且舉彼天一期壽分乃時分相稱者且依釋迦菩薩說也或彼有說非必正義也已上運筆而計彼四千歲當此五十正七億六百萬歲也彼鈔又有一義發見矣又彌勒經述贊興云補處菩薩生於彼天雖無中天受多生死至乃必盡四千歲然後命終元曉彌勒經要集同之次至機緣熟不難者數死數生多少雖依機熟遲速最後四千下生必當感佛時節大論一解恐此意歟問若實受數多生死者何故諸文同說五十六億等耶

荅若計多歲筭數不及故且就彼一箇定壽舉歲數也若不介者何故賢劫經說釋迦彌勒同運五十六億等耶次說法文中弘宣等者義寂云普曜經云其兜率天有大天宮名曰高幢廣長二千五百六十里菩薩常坐為諸天人敷演經典憬興云諸天子等百千拘脰那由他數大集法堂圍繞菩薩聽受所說無上大法斷諸煩惱生廣大心上二入胎相中二初句下天次句託胎問以下天文可攝

初相。答若依婆沙。下天託胎。合為第二意云。
機已熟時。始下人間。託神母胎。故攝第二。若
依天台。上天下天。合為初相。意云。欲下生時。
用四種觀。如釋如下如是觀已。來下人間。在天觀
下。故攝初相。各據一義。並不相違。今且由論
問入胎相。有幾別。耶。答。今考諸文。略有九種。
一。將下觀相。二。下天所因。三。處胎莊嚴。四。入
胎形貌。五。入胎處所。六。入胎心慧。七。託胎時
節。八。受胎所因。九。住胎說法。一。將下觀相者。

義寂引毗婆沙云。將下生時。先觀四事。一。觀
時分。謂此人壽八萬乃至百歲時也。二。觀處
所。謂瞻部洲中印度也。三。觀種姓。謂刹帝利
或波羅門。四。觀依器。謂母胎藏。寬博無失。如
是觀已。告行道天。汝可逕告觀率。諸天却後
七日。菩薩此沒可生。印度施作佛事。行道天
子歡喜。遍告五百天子。發下生願。至第七日。
菩薩便與五百天子。一時下生。皆為釋種。助
宣佛事。當知此說。釋迦菩薩。若餘菩薩。隨其

所應抄略二下天所因者菩薩捨樂生閻浮者
為救衆生人間衆生知此慈意生敬重心易
受化故淨影憬又義寂意云依大般若第六
分云諸天計常謂無墮落為破彼執示現無
常捨天壽也依毗婆沙從天來時有神變故
若從人來無此事故又諸佛皆於人中成佛
能順彼故又人間即有厭離心故有猛智故
又為欲俱攝入天機故謂若在天則人無往
天可來故三處胎莊嚴者憬興云胎莊嚴者

一者宮殿謂諸欲天各持妙宮至父王所父
王亦為菩薩造宮縱廣正等三百由旬菩薩
威力故令諸宮殿中悉現摩耶身右脇皆有
菩薩而坐諸天自謂菩薩之母將入胎時於
母右脇先有此殿然後入胎跏趺殿中二者
飲食謂入胎夜下從水際涌出蓮華穿過地
轉上至梵世縱廣正等六十八洛乃由旬佛
及菩薩大梵之外不能見之甘露現華梵王
取之盛瑠璃器奉上菩薩所有美味菩薩之

外不能食之取意略抄四入胎形貌者義寂云普

曜經云菩薩問天我以何形而入母胎或天

答曰儻童之形或曰釋梵形或曰金翅鳥時

有梵天名曰強威象形第一謂兔馬象俱度

水時象能盡底聲聞緣覺猶如兔馬唯菩薩

象達法水底故現白象入母胎也大衆部等

亦同此說有部不許九十一劫捨傍生故然

大乘中此皆示現於義無過取意略抄俱舍論云

菩薩中有如盛年時形量周圓具諸相好將

入胎時照百俱脰四大州等若尔何故菩薩

母夢中見白象子來入已右脇吉也此吉瑞相非

關中有菩薩久捨傍生趣故上五入胎處所

者婆沙論云從右脇入正知入胎於母母想

無嬌愛故復有說者從生門入諸胎卵生法

應尔故俱舍同後義又正理論云又理實中有隨

欲入胎非要生門無障導故然由業力胎藏

所拘上光判云同婆沙前師寶云正理不同

諸論六入胎心慧者四教義云衆生邪慧入

母胎菩薩正慧入母胎中陰住則知中陰歌
羅邏時安淨陀時乃至出生時皆憶念不失
是名正入胎復次人顛倒心生菩薩不介明
識父母相續入胎抄略七託胎時節者釋迦譜
云普曜經云以四月八日明星出時降神母
胎比西域記云上座部意此方五月十五日
降神母胎若依諸部五月八日續高僧傳同之若依周書
周第五帝昭王之代癸丑之歲七月十五日
際神本行經異說如何如妙樂云佛生時節
同之

涅槃住處身相說法諸部不同乃由見別不
須和會比準之應知八受胎所因者依俱舍
論揔有五益故受胎生一導釋種論第八云
親屬相因令入正法比二導餘類論云今知
菩薩是輪王種生恭敬心比三導同類論云
令所化生生增上心彼既是人能成大義我
曹亦奈何為不能比四止疑謗論云若不介
者族姓難知恐疑幻化為天為鬼乃故受胎
生息諸疑謗比五後益者論云為留身界故

受胎生令無量人及諸異類一興供養千返
生天及證解脫上又淨影云卵濕卑劣故佛
不生化生雖勝有多義故佛亦不生如涅槃
釋具有八義一為欲增同生力故同論第三義第二
生上族表法勝故三生王種假護法故四欲
教人敬父母故五生上族息物慢故六為息
物謗若佛化生謗言幻化非真實故同論第四義
七為留身益後世故同論第五義八同諸佛受胎
生故略抄義大數雖十三義終歸十云九住胎

說法者憬興云菩薩處胎身相光明普遍世
界四大天王夜又大將與其眷屬釋提桓因
與三十三天娑婆世界主大梵天王與無量
梵眾如其次第晨朝中時申時為聽法故皆
見菩薩菩薩慰問為其說法寶法師云處胎
經說菩薩處胎亦轉法輪此為密眾非為顯
眾上三出胎相中亦分為五初明誕生次現
行下明現身威三無量下明現奇瑞四舉聲
下明現口威五釋梵下明眾歸仰摠而言之

佛母摩耶十月已滿到嵐毗蘭明星出時聖
后放光即以右手攀無憂樹東方之枝顯呻
蒲注云展舒四欠呿直正而立從右脇生如
躡通暢之狀也
出雲霧母身安泰不假扶機十方七步五會讚云
東西行蓮華承足光照地動一指指天一指
七步指地自而稱云天上天下唯我為尊三界皆
苦吾當安之九龍下水洗浴身體左温右冷
即於尼園七日七夜人天奏樂以供尊顏三
万二千波羅門等滿其所須梵釋上座演吉

祥讚經七日已生母命終即還王宮波闍波
提為養育主命三十二養母令養取釋迦譜
影懷興瑞應經本起經問釋迦菩薩何時誕
普曜經等意畧而記之生荅十二遊經云四月八日明星出時生身
長一丈六尺崔佛經釋迦譜周書同之西域記意或是此
方三月八日上座部則同十五日長阿含云
二月八日上已二四不同如寶師會云或是見
別不須和會初誕生中右脇生者如淨影云
世人處不淨身弊佛為異之故右脇生法位

之同然彼老子從左脇生佛生異之如義寂云
為化衆生離左道故嘉祥云右是便欲明先
權後實上已今準釋迦而云右脇若餘菩薩生
處不定故處胎經第二云我以右脇生汝弥
勒從頂生上已次身威中七步者嘉祥云現行
七步明過六道淨影云示現丈夫奮迅之力
於十方界獨出無畏又義寂引華藏十事彼
第八云現七覺法相故光明等者憬興云身
光利物故彼經中菩薩放光上乃衆生遇者身

心安樂遠貪瞋癡離諸罪障上已三現瑞中六
種等者憬興云欲使魔怯伏也震者動也準
長阿含六動有三一六時動謂入胎出胎出
家成道轉法輪入涅槃今動者即出胎時二
六方動謂東涌西沒西涌東沒南涌北沒北
涌南沒中涌邊沒邊涌中沒三六相動謂動
涌震擊吼爆搖颺不安為動鱗隴上已凸為涌
隱隱有聲為震有所扣打為擊磕碎發響為
吼出聲驚異為爆此各有三名十八相謂動

等極動餘五皆余此中六動即六相動故莊
嚴經云六動有十八相上十八相中舉三例
餘具舉之者依探玄記一動二遍動三等遍
動是四起五遍起六等遍起是七覺八遍覺
九等遍覺是十震十一遍震十二等遍震是
十三吼十四遍吼十五等遍吼是十六涌十
七遍涌十八等遍涌是此中起覺即擊爆也
又瑞應經太子生時有三十瑞相云四口威
中自稱等者憬興云即自唱尊号令物歸趣

也上問無上尊者為指當得為指現體答今
文正指當得佛果然寶積云而自唱言於一
功世間最為尊貴涅槃經云我於天人阿脩
羅中最尊最上大論云天上天下唯我獨尊
三界皆苦我當安之上此等諸文皆難定屬
五歸仰文可知四童子相中示現等者示現
六藝化迹非實故云示現言六藝者補注云
御書數禮樂射憬興云竿計者數文者即書
藝者禮樂射者射術御即御車法位博綜等

者淨影云博謂廣博綜謂綜習仙道秘術無
不蘊學憬興同之義寂云內外諸道異術也上已貫
練等者淨影云貫謂貫通練是委練世俗異
典名為群籍憬興同之義寂云治國圖書識記也
上已神仙秘方世俗異教極術盡群故云綜練
問何時學藝答依普曜經太子七歲到於學
堂有博士名毗奢密多此云見菩薩威迷悶
躡地都率天子名曰清淨牽手令起菩薩問
師云有六十四書汝欲教何師聞未聞歡喜

捨慢即嘆菩薩無比之德西域記云七歲之
後漸授五明大論一曰聲明釋詁訓字詮目
流別二工巧明伎術機關陰陽曆數三醫方
明禁咒閑邪藥石針艾四謂因明考定正邪
研竅真偽五曰內明究暢五乘因果妙理上已
補注名之內五明也外五明者前三同內四
咒術明五符明也云五娉妻相中亦分為二
初明娉妻已前之事次現處下明納妻已後
之事義寂引本起經云太子十七晝夜憂念

未曾歡娛常念出家父王問僕太子云何日
日憂怖時一臣言太子已長宜當妻娶以迴
其心因擇名女小國之王善覺有女名曰裘
夷未曾有經亦云瞿姨法華疏記二云昔時
瞿姨是今日邪輸今日瞿姨乃是天女故
天下無雙八國諸王為子求之父王聞已即
召善覺而求裘夷善覺答言此女有母及諸
群臣國師梵志相議宜啓善覺歸國愁不飲
食時女問父何故不樂父則答云諸王求汝
我不許之又白淨王今求汝我若不與者王

即罰我適與汝者諸王結怨女云勿憂我却
七日自處城門用勝強者時父白王王更憂
念太子未練云何得勝時女至門術士雲集
余時太子即與憂陀難陀調達等五百人取
於禮樂射藝之具而出城門時先調達撲塞
門象象即忽死難陀牽之置於道側次又太
子擲象城外象藕如故又復調達與諸力士
相撲無對與難陀決達多躡地心神悶絕王
告難陀汝與太子而決勝負難陀答白兄如

須弥自如芥子云何勝負拜謝而退又為射
決先安鐵鼓十里置一至于七鼓調達射之
徹一中二次又難陀徹二貫三尔時太子挽
弓皆折即告僕曰祖王師子有弓今在天廟
汝可取來二人膝舉衆人不舉太子牽弓徹
七鐵鼓至鐵圍山因妻裘夷取意略抄法華文句
二云十二遊經出三夫人第一瞿夷二耶輸
三鹿野上憬興云八万四千婁女娛樂令諸
婁女發無上覺心上初前事中後園者憬興

云城外之苑也上講武等者淨影云如本起
說繫象勳力名為講武共射金鼓說為試藝
法位憬興云講武者即勳力射鼓也試藝者
同之即試書運籌也上次後事中現處等者雖納
妻娛化迹非實故云現處色謂女色味謂愛
味六出家相中亦分為三初明出家因次棄
國下明出家相三端坐下明用邪道摠而言
之太子居宮未甘五欲常欲棄捨靜修道業
濟度衆生即將官屬始出東門見於老人頭

白齒落皮緩面皺，惡露自出坐卧其上。太子見已，憂愁還宮。次出南門，亦見病人，身瘦體黃，九孔敗漏，不淨流溢。見已還宮，次出西門，亦見死人，室家啼哭，曰：「何捨我太子見已憂悲還宮？悟世非常，此老病死，須陀會夫。」淨居天子所變作也。次出北門，見一沙門，亦天所變法服持鉢行步安祥。太子問曰：「出家何益？」比丘荅言：「處於空閑，修習聖道，調伏諸根，護念衆生，不染世間，永得解脫。」於是太子厭前三苦樂沙

門行，即還宮中。已下詳意四月七日，擔欲出家，至夜半後，明星出時，諸天塞空，勸太子去。尔時裘夷見五惡夢，謂須彌崩，日月落地，珠光忽滅，頭髮隨地，人奪我蓋。太子聞之，念此我事，即告慰云：「須彌不崩，乃至繖蓋今在不失，汝自安眠，莫以憂惱。尔時天子化諸宮殿，悉為塚墓，變諸伎女，皆成死人。太子見已，一切所有，如幻如夢。太子乞馬車，匿不上。太子為匿，即說偈曰：「今我不樂世，車匿莫誓留。使吾本願成。」

除汝三世苦於是車匿悲泣牽馬太子乘馬
即踰都城行四百八十里至阿那摩國下馬
脫衣寶冠嬰珞悉與車匿令還王宮三下與中摩
尼還奉大王脫身嬰珞奉憍曇彌餘嚴身具
與耶輸多羅為斷愛別之愁苦也欲即剃髮
創卒無具帝釋與刀興云車剃頭髮已投虛
空中諸天受髮禮讚供養毗尼母論云瞿婆
羅王子乞髮供養
又漸進至摩竭提國餅沙王言仁居輪王何
交林叢太子荅曰吾觀衆行一切無常樂少

苦多吾今厭之將反本原王云太子志樂深
妙必得佛道願先度我又淨居天化作獨師
身著法衣太子語云汝所著者諸佛法服汝
若與我我亦與汝於金縷縷衣獨師應請然
襪本身還上梵天太子即值阿蘭伽蘭二仙
而學於有漏定坐沙羅樹下日食一麻一米
六年苦行依本起經
寂興等釋問菩薩何時出王宮耶
荅異說不同長阿含云二月八日周書
同之權佛
經云四月八日西域記云或云菩薩年十九

或曰二十五以吠舍佉月後半八日踰城出家當此三月八日或云乃三月十五日上亦是見別不須和會初出家因中老病死者問何無生苦蒼生雖是苦人皆愛樂不足厭境故不現也如憬興云生可欣故上問何故今經不說沙門蒼舉厭顯欣故不說耳次出家相中入山等者有云指鼻陀山此翻白華檀德山者昔須拏耶太子所居非是今日苦行處也云今謂普賢菩薩證明功德經云於檀

德山六年苦行大論中說尼連河邊五會讚云入雪山上不可偏說服乘者服謂著服著寶冠等乘謂騎乘騎白馬也法服者寶積經云被服袈裟六物圖云或名袈裟從染色為名或名道服或名出世服或名法衣上法服法衣名異義同問嘉祥云就獍師賃鹿皮衣上既云鹿皮可非袈裟蒼難知若是如彼不空羅索袈裟歟問何故服之蒼六物圖云十誦云以刀截故知是慙愧人衣華嚴云著袈裟者

捨離三毒已問大論云佛弟子住中道故著

三衣外道裸形無恥見住斷白衣多貪重著常住

故見令同外道習學邪教何不同彼裸形耶答

為成佛後欲破之故先學邪教心中不同故

天著之剃除等者問觀佛經云我出家時天

神捧去亦長文三五寸量髮今父王欲看不父

王自言唯然天尊樂見佛髮如來即以手伸

其髮從尼拘樓陀精舍至父王宮如紺瑠璃

繞城七布至乃現是相已般髮至乃即成螺文涅

槃經云生七日已又示剃髮諸人皆謂我是

嬰兒初始剃髮一切人天至乃無有能見我頂

相者况有持刀臨之剃髮慧上菩薩此等諸

文無有剃髮今何云剃答釋迦譜引普曜經

云以劍自剃髮作是言願共一切除斷煩惱

已五分律云菩薩出家至頂摩那樹下有剃

髮師求令除髮已是與今同但涅槃說生天

乃至剃髮等相皆是示現隨緣示現不可定

量觀佛亦尔故云現相何云一向不剃髮耶

神力
令見

如毗尼母論云佛在王舍城佛髮已長有優
婆離童子共父母來到佛所白佛剃髮時瞿
婆羅王子是佛髮還國供養比成道之後猶
有剃髮出家之初何不除髮問若尔可見佛
頂何有無見頂相荅如群疑論第六云問上
所引文或說自剃或云佗除豈不相違荅西
域記云取刀自斷其髮淨居天化剃髮人為
剃淨髮比今準此文以先自斷而云自剃然
後令他剃除而已問諸佛成道皆剃鬚耶荅

六六

多分剃髮少分不尔自在下卷王經云天王如來
及諸菩薩不著袈裟皆著自然淨妙天衣大
論云如天王佛衣服儀容與白衣無異不須
鉢食演秘云亦有佛不具八相如天王佛白
衣成道故若以離俗為出家即亦具比穢土
成道剃髮為本是故今云剃髮等也三同邪
中端坐等者出家作法用樹下坐塚間坐等
菩薩於此行有漏定憬興云此後行從邪也
菩薩受王請顯波沙羅王欲往尼連河王舍城邊

六六

有一仙人摩羅羅子名烏特迦與七百弟子
常說無想定至仙人所受彼說已於一靜處
專精修學即得世間百千三昧義寂云於是
菩薩坐沙羅樹下至乃諸天奉甘露一不肯受
自擔食一麻一米以續精氣端坐六年已問
諸佛皆有六年苦行各有無不同今隨多分
如大般若經云過去無量無數難思議劫有
佛出世名為寶月至乃先無苦行及降魔事而
證菩提又義寂云此苦行事一切諸佛未必

有之如弥勒即出家夜成道故無六年苦行
故八相中有不別立已今準釋迦嘆諸菩薩
故云六年問普賢菩薩證明功德經云十九
踰城捨國王位三十成道教化衆生惟無三昧經同
之大論云我年始十九出家學佛道成道以
來已過五十歲已依此等說出家已後經十
二年始成正覺又梵網云七歲出家三十成
道已今何但云六年等耶答法華疏記云準
雜寶藏經羅云是佛得道夜生以羅云六年

在胎若佛十九出家乃成二十四成道若三十成道乃成二十五出家不同見別不須和會比今經準之有云大論云悉達菩薩乃夜半出家至謳樓鞞羅國之中尼連禪河邊六年苦行是時淨飯王愛念子故常遣使問我子得道否若病若死欲知消息使來白王菩薩有皮骨筋不連持取命甚微少若今日若明日不復久也王聞其言甚大愁念沒憂海我子既不作轉輪王又不得作佛至乃是時菩

薩棄苦行處食百味乳菴身體充滿於尼連禪水中洗浴已至菩提樹下坐金剛處而自擔言要不破此結跏趺坐成一切智不得一切智終不起也比案此論文更有樂行經六年也云今謂設有此義難會雜寶何況論文未云樂行六年者乎但補注引或解云十九出家後五年事仙人行樂行六年行苦行三十成道比雖有此釋未知誠說行如所應者問為指正道將邪道耶答異義不同淨影云

翻邪學知正道是其所應修學順而行之法位
之同憬興破云若介是文應屬成道如何自許
是出家相至乃今即行如所應者簡虛設劬勞
咸劣漂溺非方便行至乃菩薩雖復修諸苦行
即趣正行之方便故云如所應上已今之所用
興師義也七成道相中亦分為五初明淨垢
身次靈禽下明到道場三吉祥下明坐草座
四奮大下明降伏魔五得微下正明正覺摠
而言之苦行已竟於屍林下取破糞掃衣欲

代下苦行衣為洗掃衣又更求水時天化池帝
釋化石石方安於池中菩薩見已在石洗衣入
池浴身有魔波旬令池岸高彼池邊有阿斯
那樹樹神按枝令住池上菩薩攀枝得昇池
岸在彼樹下自納破衣時淨居天名無垢光上於
大衣僧伽梨衣菩薩著已入村乞食時善生女上
於乳養即擎乳鉢出於優盧頻羅聚落至尼
連河置鉢岸上剃髮沐浴河龍奉座菩薩坐
之食彼乳養以鉢擲河河龍取鉢欲供養之

尔時釋天變金翅鳥，奮鉢還宮，立塔供養。從
尼連河至菩提樹，五百青雀隨菩薩往，亦有
迦陵頻伽等鳥，無量衆鳥出和雅音，圍遶菩
薩。時帝釋天變刈草人在菩薩右，掬草草第而
立，草色青紺如孔雀尾。菩薩問名，荅曰：吉祥。
聞作此念，求利自他吉祥，立前定證菩提念。
已乞草，吉祥白言：願先授吾菩提之記。然後
受草。菩薩記已，取其淨草，遍敷樹下，金剛座上。
上向東坐，草發大擔，云：我今若不得無上大

菩提，寧可碎是身，終不立此座。云即放毫光
照三千界。時魔王夢宮殿黑闇，魔有千子，右
面五百，即歸菩薩左面，五百專助魔王。魔告
諸子：以何方便能摧滅彼？右面中有有信者，
云：設摧三千，不可動於菩薩一毛。左面中有
百臂者，云：我有百臂，即以一身發於百箭。魔
王勿恐，魔告諸女往破淨行。三女現形，一名渴愛
二名喜樂，三名喜見，出婆沙論而生妖言。時菩薩說五欲不
淨，女不能破散華禮去。時魔瞋恨，四軍揮身。

象馬菩薩告云汝以微善今得天報我多劫
車步行今可得覺如是告已以手指地地神即出
言我成證應時大千一時感動尔時魔眾皆
悉退散降伏魔已遊入四禪至初夜分發天
眼通於中夜分得宿命智又觀緣起流轉還
滅於後夜分明星出時成無上覺而為諸天
現成佛瑞昇於虛空七多羅樹自稱成佛天
喜雨華積至佛膝依本起經初淨身中五濁
等者如淨影云一者命濁命報短促二眾生濁

人無善行三煩惱濁諸結增上四者見濁邪
見熾然五者劫濁飢饉疫病刀兵競起我土
有此名五濁上已此之五濁唯在南州不通
餘州問諸佛出時為局濁世若言局者依西
域記拘留孫佛六萬歲出拘那四萬迦葉二
萬若依賢劫經者拘留四萬拘那三萬迦葉
二萬又弥勒佛八萬時出然法華記云準悲
華經八萬至三萬亦未有濁至二萬歲為五
濁始上已又義寂云人壽千歲已還名濁世

千歲已上名非濁世至乃故文殊問經云云何
名濁十歲衆生乃至千歲有長短故準此千
歲已前非濁世也百歲已上佛出世已後不
出故知百歲已上是濁增已依此等文拘留
孫等非濁世出若不局者今經通舉一切菩
薩成道時分而云五濁明知局濁答諸佛出
世涉濁非濁故俱舍云從此列人壽八萬歲
漸減乃至極壽百年於此中間諸佛出現已
但此經者且準釋迦說八相義故云五濁應

佛儀式釋迦為本故也問何故增劫及百歲
後佛不出世答俱舍論云有情樂增難教厭

故

釋增劫也

五濁極增難可化故

已上釋

百歲後

但長阿

含八萬前出悲華經中百歲後出經論異說
不須和會沐浴金流者問言金流者為指池
水為指連河若連河者次下既云得攀出池
鈎鑱相連上即池也連河後事豈可先舉若
言池者既云金流當知連河故寶積云浴尼
連河行趣道場已答憬興云金流即尼連河

按枝即池岸樹前後互舉故上說相逆次前
後文別天按等者問本起經云樹神按枝今
何云天荅憬興云神亦名天又五會讚云帝
釋從空按樹枝上若是帝釋現樹神歟二到
場中靈禽等者淨影云此皆神鳥故曰靈禽
上翼玉篇云敬也助也翅也憬興云翼亦從
從者隨也上三坐草中吉祥等者淨影云初
感吉祥而為徵瑞經中亦名為出世祥佛將
成道感見此人而為徵瑞知已定當成吉祥

果即以此人表已所成上果福祚抄略憬興云
章亦顯也祚之阿反福也助也切韻佛樹者
憬興云寄樹成覺故云佛樹上亦名菩提樹
亦曰道場樹佛坐其下成菩提道故此樹正
名畢鉢羅樹摩竭提國前正覺山之西南行
十四五里有此樹也西域記云菩提樹垣正
中有金剛座昔賢劫初成與大地俱起據三
千大千界之中下據金輪上侵地際金剛所
成周百餘步賢劫千佛坐之而入金剛定故

曰金剛座焉證聖道所亦曰道場大地震動
獨無傾搖比次上文云詣道場者指金剛座
菩薩坐之故云而坐跏趺坐者如傳通記云
四伏魔中使魔等者為降伏魔令發心故以
光令知魔云魔羅此翻弊惡多愛欲故又名
殺者害人善故然大小乘通說四魔涅槃經
中更加苦空等之四倒名為八魔華嚴加業
心善根三昧知識法智說為十魔補注之彼四
魔中煩惱魔是生死因也天子魔則生死緣

也陰魔死魔生死果也今此魔者天子魔也
因果經云時第六天魔王宮殿自然動搖於
是魔王心大懊惱精神踈擾聲味不御而自
念言沙門瞿曇今在樹下捨於五欲端坐思
惟不久當成正覺之道其道若成廣度一切
越我境界比率官屬者如大論云是時魔王
將十八億眾列菩薩所敢與菩薩決其得失
比是欲恚害之境界也婆沙論云大德說曰
菩薩昔居菩提樹下初夜魔女來相婚亂尔

時菩薩暫起欲尋中夜魔軍搃來逼惱菩薩
於彼暫起志尋漸復歇薄復起害尋須臾覺
察即入定令魔兵衆推敗墮落上依本起經
魔遣三女說偈頌曰

一奇盛年難可再

仁雖端正美顏色

世間五欲亦難求

對斯勝境可歡娛

菩薩聞已亦說偈曰

我觀五欲多過患

由是煩惱失神通

智者非應耽著此

凡夫迷故生欲心

余時魔女散華周匝作禮而去又魔瞋恨牽
諸魔軍如西域云誘亂不遂憂惶無賴集諸
神衆齊整魔軍治兵整振旅將脅菩薩於是
風雲飄注雷電晦冥縱火飛煙揚沙激石備
矛楯之具極兵之具極矢之用菩薩於是入
大慈定凡厥兵仗變爲蓮華魔軍怖駭奔馳
退散上制以智力者問攝論云依止精進慧
力能破濫魔依慈等持能破天魔上相違如
何答夫論云菩薩智慧力故大破魔軍上互

說一邊以實言之定慧力耳又正觀記引大
集經云斷集諦降煩惱魔知苦諦降陰魔修
道諦降天魔證滅諦降死魔上今當第三問
穢土教主皆降魔耶荅若約天魔不必皆降
故寶月佛無降魔事如上引又義寂云又降
魔事一切菩薩不必皆有如弥勒等無降魔
事因宿世中行因有異介時化宜亦有差別
故不同也上若約餘魔不可不降五正覺中
得微妙法者憬興云無師自然修三十七菩

提分法證得無上正等菩提名大覺者上約
因有師約果無師如止觀云大論云我行無
師保經云受荊於定光上即其義也問菩薩
斷證其相如何荅若依俱舍道樹已前斷下
八地所有煩惱坐金剛座以無漏智三十四
心斷於有頂九品見修大論不然輔行引大
論云下地結使因時未斷至樹下時乃以九
地思惑通名一九故云藏菩薩位同凡夫又
云智論依餘部雖有漏斷未名為斷至菩提

樹但斷悲想八地俱得名為無漏上問釋尊
成道何月日耶答長阿含云二月八日灌佛
經云四月八日夜半時也五大院出五說二
說如前一云三月八日一云十五日一云八
月八日也若準天台不同見別不須和會又
寶法師會二四異如俱舍疏云八轉法輪相
中亦分為二初明天請法輪次佛下明應請
起說初文中釋梵等者如大論云復次佛在
入中生用大大法不須請而說佛雖有大悲

覺不待請欲斷外道謗故初要須請上既云
初要當知後時不必由請無問自說經即是
也問佛成道後經幾時節而說法耶答經論
異說出曜方等大莊嚴經云七七日因果法
華同說云三七大論中說五十七日四分律云
六七日五分律云八七日毗婆沙云四月十
二由經云一年有如是等諸部異說若依天
台乃由見別不須和會若依寶師有多會通
如俱舍疏云二起說中亦分為二初略說化

物次光明下廣說化物初文亦二先身業化
物次佛吼下口業化物初文中佛遊等者現
佛威儀遊行化物次文亦三初句惣也謂諸
聖教皆佛所吼菩薩用之為物吼故次扣法
下別也謂約諸喻而顯法故三常以下惣結
初文可知次文中有其八句若依淨影即配
四法及四無礙謂彼疏云扣法鼓者說聞慧
法益衆生也嚴鼓誡兵說教誡人吹法螺者
說思慧法利衆生也吹蛩應時說理應機執

法劍者說修慧法益衆生也劍能破裂修能
斷結建法懂者演說證行證行高勝如幢上
出後四是其四無礙智起說被物震法雷者
法無礙智化衆生也天雷一動卉藝生牙法
音一開闡道快踈曜法電者義無礙智益衆
生也電光一發有物斯觀義言一宣說義悉
見澍法雨者辭無礙智化衆生也以辭宣說
如雲澍雨演法施者樂說無礙利衆生也隨
人所樂宣說授與名演法施上前之三慧是

為有漏第四證行是無漏也如頌疏云先因
論教次有生得從生得後方有聞慧從聞慧
後始起思慧從思慧後始生修慧從修慧後
起無漏慧此問憬興破云此亦不然三慧皆
覺證慧法故三慧所學亦無異故四辯所說
亦即三慧法故此破何救答此難一往再
往不燃約能詮教故能所三慧淺深別故前
之四法是所說法後四無礙是能說智能所
別故故無過矣憬興自義云以義推之應言

執法劍澍法雨扣法鼓震法雷建法幢曜法
電吹法螺演法施至乃一破惡進善對即初二
也二開權顯實對即次二也三得智證真對
即次二也四說法利生對即後二也八句之
義有此脩環名為法輪自既得果欲令眾生
證聖真智破滅煩惱故亦云轉此未理盡
經文次第淺深亂故亦云義推難當實義故
今案宗意不可必配三慧四對何者疏中但
引五句除吹建曜故引文次第不違經故若

配聞等何不具引若存四對寧不上下只是
為顯法輪衆德用種種譬而已如嘉祥云扣
鼓集衆趣善吹螺改惡為善執劔生解斷結
建幢降魔得勝震雷動無明非曜電能有照
用澍雨澍沾衆生演法廣說四諦十二因緣
等教抄略三結文可知二廣說中亦四初以身
業伏魔令歸次摑裂下明以口業令離煩惱
三入國下明以身業令生人善四欲宣下明
以口業令離生死初文中光明等者今依淨

影及憬興意佛以光明摑攝魔界即令歸伏
亦以動地動魔宮殿而今惶怖光動雖殊莫
非身化經文交互得意應知憬興云憎修業
反畏也二離惱中亦四初明破邪次嚴護下
明通正三洗濯下結破邪四顯明下顯通正
初文中摑裂等者教斷見惑故云邪見憬興
云邪網者即邪法也諸見者即邪執也邪執
必依邪法起故皆破之淨影又云摑古惡反
亦裂也裂呂蘄反陸法言切韻云破也上已散

諸等者教，斷思惑，故云諸欲影興。意云塵勞，即是五欲之境，欲輕即是愛欲之心，依境愛起，境空衆生，故云塵勞貪深難越，故以辟塵，云諸苦所因，貪欲爲本，故今舉貪顯瞋癡慢，次通正中，嚴護等者涅槃妙果，謂之法城，定慧修因，謂之法門，如憬興云法城者，即智斷之果，法門者，即定慧之因果，必殺賊，故名城，因能納德，故云門，嘆善，故嚴止謗，故護，爲演，故開，令進，故闡。嘉祥義三結破邪中，洗濯等

者，指向斷惑，寄辟以結，見愛煩惱，辟以垢汙，空慧能斷，譬如洗濯，四結通正中，顯明等者，憬興云除邪顯正，故云顯明，超諸毀謗，故云清白，即嚴護法城也，光廣也，融通也，廣通聖行，故云光融佛法，導化不絕，故云宣流法化，即開闡法門也，揔而言之，嚴法城，故顯明護法城，故清白，開法門，故光融，闡法門，故宣流，又嘉祥云顯明清白，無相之解，是無漏明，光融佛法，法華之教，光廣融會，明法華教會。

三歸一宜流正化者示汝等所行是菩薩道
故云正化抄略三身業生善中分衛等者淨影
云胡言分衛此云乞食獲諸豐饌因乞得食
憬興云梵云賓荼波陀此云乞食今言分衛
訛也補注云分衛此云搏墮言食隨在鉢中
故也或云乞食分施僧尼衛護令其修習道
業故云分衛是則分衛梵音此語皆通也上
貯功德者淨影云受用生福貯謂積也貯積
廣德名貯功德現受物體故名爲示生世福

善如田生物故曰福田憬興顯要記引十住
論云乞食有十利一者活食自屬不屬他故
二施我食者令住三寶然後當受三常生慈
心四順佛教五易滿易養六破憍慢七無見
順相善根八見我乞食餘善人効我九不與
男女少有諸事十次第乞生平等心故上四
口業離生死中亦二初明將記相次以諸下
明演道教初文中欣笑者即是起說之方便
也如義寂云表發所說如欲說般若時毛孔

皆笑說楞伽時呀呀大笑隨其所宜現非一也。上已次文亦三初明教苦教次顯現下明入道教三授菩下明獲果教初文中三苦者苦苦壞苦行苦是也舉此三苦諸義自收苦諦廣通於三界故諸受亦合於三苦故。苦受即苦樂受合壞捨受合行除除此苦時生死自離次入道中顯現等者淨影云顯現菩薩所發道意使人發心無量功德教人發行。懺興同之言道意者即菩提心三獲果中授菩薩記者懺興云授菩薩記

者論云令得決定心故記者識也。剝也授者與也。聖說當果令識因利故云授記。淨影大同如是說教皆口業能矣。無量壽經鈔卷第一

正安二年庚子七月十三日於華藏寺拭老眼清書之畢以此功德留贈後見信謗皆悉結往生緣矣

望西樓沙門了慧謹疏



皇四十一
六十四



270621

